

五分律

才二十六


三百三  
和六

50051



北京圖書館藏

Vertical text on the left side, including characters like '天' and '地'.



五分律卷第二十六

和

宋劉賓三藏佛陀什共竺道生譯

第五分之三雜法

佛在王舍城尔時諸比丘與白衣共器食手  
 相觸數數洗諸比丘以是白佛佛言不應與  
 白衣共器食有比丘往親里家親里言我  
 等非他亦非不淨何不共食諸比丘以是白  
 佛佛言聽繫念在前共食但莫令手相觸有  
 比丘共白衣食器小手相觸以是白佛佛言  
 聽左手捉器而食諸比丘食時相禮僧食時  
 歡粥時取菓時經行時不著三衣時闇時不  
 共語時禮相瞋於屏處禮諸比丘以是白佛



佛言此時皆不應禮犯者突吉羅又有五種  
不應禮呵責羯磨駮出羯磨依止羯磨舉罪  
羯磨下意羯磨復有五種不應禮被舉不共  
語舉本言治比丘尼沙弥復有五種不應禮  
狂心散亂心病壞心白衣外道復有五種不  
應禮別任應行摩那埵行摩那埵本日阿浮  
呵那有五種應禮佛辟支佛如法上座和上  
阿闍梨時諸比丘養髮令長心不樂道有反  
俗作外道者諸白衣譏呵言我等白衣養髮  
沙門釋子亦復如是有何等異但著壞色割  
截衣而已耳諸比丘以是白佛佛言不應養  
髮犯者突吉羅諸比丘於作食處及講堂温

室中剃髮以是白佛佛言不應尔若老病不堪寒聽在温室中時諸比丘隨次剃髮以是白佛佛言不須隨次若有急事聽先剃若無急事先洗者先剃有諸比丘於庭中處處剃髮不掃除以是白佛佛言應在一處剃剃已掃除著水中火中若埋之若無剃髮師比丘能剃者亦聽聽畜剃刀有諸比丘鼻中毛長佛言聽畜鑷拔之諸比丘便以金銀作鑷佛言不應尔聽用銅鐵牙角竹木除漆樹有諸比丘耳中物塞佛言聽畜挑耳物餘亦如上有所謂諸比丘食入齒間以致口臭佛言聽畜擿齒物餘亦如上時瓶沙王作是思惟我未以何

物施僧遍思皆施唯未施擿齒物便作滿車  
施諸比丘因作食供諸比丘不敢受以是白  
佛佛言皆聽受

佛在蘇摩國自作鉢坯以爲後式令陶師燒  
陶師便多作合燒開竈口視皆成金鉢怖懼  
言此是大沙門神力若王聞者必當謂我多  
有金寶便取埋藏佛復作令燒皆成銀鉢亦  
怖懼埋藏佛復作令燒乃成銅鉢色青好如閻  
浮樹與諸比丘諸比丘不敢受佛言聽畜有  
比丘鉢破無鉢遊行佛言應更求鉢若能自  
作聽作有諸比丘燒鉢色赤佛言應勲有諸  
比丘畜金銀七寶牙銅石木鉢諸居士譏呵

言此諸比丘如王如大臣常說少欲知足而  
今畜此好鉢諸比丘以是白佛佛以是事集  
比丘僧告諸比丘從今不聽畜上諸鉢若畜  
金銀乃至石鉢皆突吉羅若畜木鉢偷羅遮  
時有婆羅門名優柯羅有一女常用白銅鉢  
食彼女出家後猶用先器乞食諸居士譏呵  
言沙門釋子用銅鉢與外道不可分別諸  
比丘以是白佛佛言不聽用外道銅鉢犯者  
突吉羅聽用三種鉢鐵鉢瓦鉢蘇摩鉢時毗  
舍離諸離車得旃檀鉢共議此鉢應與誰或  
言應與世尊或言應與薩遮尼犍子多人欲  
與世尊以少從多便盛滿鉢白石蜜歡喜丸

奉上世尊白言我等共得此鉢以奉上世尊唯願哀受佛受歡喜九以鉢還之語言此是外道鉢佛所不畜復共議言我等以鉢奉上世尊世尊不受我今寧可用施衆僧議已即復持鉢往至僧坊施諸比丘諸比丘不敢受以是事白佛佛言聽受破作香用後諸離車復得牛頭旃檀鉢著高榭頭唱言若有神力能取者與之時賓頭盧語目連言世尊說汝神足第一何不取之荅言汝亦有神足便可往取即便取之以施於僧諸比丘不知云何以是白佛佛言聽受破作香用時四大聲聞迦葉目連阿那律賓頭盧共議今王舍城有不信樂



佛法僧者我等當共令其信樂作是議已遍  
觀遠近唯見跋提長者及其姊不信樂佛法  
僧三聲聞言能化跋提不賓頭盧言能化其姊  
彼長者作七重門有三部伎若欲食時七門  
皆閉一食作一部伎阿那律於其食時在其  
前乞長者問言從何處入荅言從門入長者  
即問守門者汝何以聽乞人入荅言門閉如  
常不見人入長者便以一片麻餅著其鉢中  
語言出去汝若有物當作此食阿那律得已  
即去於後食時迦葉復在前乞問荅如前復  
問守門者汝何故再聽乞人突入我門荅言  
門閉如常不見人入長者復以一片魚著其

鉢中語言出去汝若有物當作此食迦葉去  
後其婦問言於意云何謂此比丘不能得食  
而來乞耶荅言如是婦言識前來比丘不荅  
言不識婦言彼名阿那律釋種之子捨三時  
殿五欲之樂出家學道又問識後來比丘不  
荅言不識婦言彼是畢波羅延摩納大姓之

子捨九百九十田宅犁牛出家學道愍念君  
故來乞食耳長者聞婦語已內懷敬伏於是  
目連飛在空中爲其說法示教利喜乃至即  
於座上遠塵離垢得法眼淨見法得果已即  
受三歸五戒自是已後常供給比丘比丘尼  
優婆塞優婆夷及諸外道時三聲聞語賓頭

盧言我等已化跋提令其信樂汝今宜行次  
化其姊於是賓頭盧晨朝著衣持鉢入城乞  
食次到其舍時長者姊手自作麤忽見賓頭  
盧便佞頭閉目賓頭盧亦一心視鉢便語言  
決不與汝一心視鉢欲以何為賓頭盧便身  
中烟出復語言舉身烟出亦不與汝賓頭盧  
便舉身火然復語言舉身火然亦不與汝賓  
頭盧便飛騰虚空復語言飛騰虚空亦不與  
汝賓頭盧便倒懸空中復語言倒懸空中亦  
不與汝賓頭盧作是念世尊不聽我等強從  
人乞便出去去王舍城不遠有大石賓頭盧  
坐其上令石飛入王舍城城中人見皆大怖

懼恐石落地莫不馳走至長者姊家上便任  
不去彼見已即大恐怖心驚毛豎叉手白言  
願施我命以石著先處我當與食賓頭盧便  
持石還著故處至其前任長者姊作是念我  
不能以大麩施當更作小者與之便作小丸  
輒反成大如是三反轉大於前乃作念言我  
欲作小皆反成大我今便可趣與一餅即以  
一餅授與諸餅相連至於餅器亦相連著以  
手提器手亦著之便語賓頭盧言汝若須餅  
盡以相與器亦不惜何須我爲而今我手著  
器不離荅言我不須餅及器亦不須汝我等  
四人共議度汝及弟三人已化汝弟我應度

汝所以尔耳問言今欲令我何所施作答言  
姊妹可戴此餅隨我施佛及僧即便戴齋隨  
賓頭盧賓頭盧即化道皆經他門使人見之  
既至佛所手自供佛及千二百五十比丘皆  
悉飽滿猶故不盡持往白佛我此少餅供佛  
及千二百五十比丘皆悉飽滿猶故不盡今  
當持此著於何處佛言可著無生草地若無  
垂水中彼女人便持著無垂水中水沸作聲  
如以熱鐵投于小水便生恐怖衣毛皆豎還  
至佛所頭面禮足却坐一面佛為說種種妙  
法乃至得法眼淨受三歸五戒供給四衆求  
道如弟無異諸長老比丘以是白佛佛以是

事集比丘僧問賓頭盧汝實尔不荅言實尔  
世尊佛種種呵責已告諸比丘從今不聽現  
神足若現突吉羅時瓶沙王有菴羅菓園三  
時茂好長以華菓施諸比丘隨所須用諸比  
丘便食其菓前食後食無時不噉或滿鉢持  
去或敢半擲地後時隣國遣使使白王言我  
聞王有菴羅菓園三時茂盛願見其菓王便  
勅取時諸比丘噉之都盡以是白王王左右  
諸臣出譏呵言沙門釋子無有馱足王雖無  
惜受者自應籌量云何一園之菓都共噉盡  
諸長老比丘聞以是白佛佛以是事集比丘  
僧問諸比丘汝等實尔不荅言實尔世尊佛

種種呵已告諸比丘從今不聽食未淨菓若  
食突吉羅有一居士請僧噉菓比丘使人一  
一淨之日遂過中不得食之便譏呵言此諸  
沙門猶如小兒使人一一淨菓不復及中我  
今當奈此諸菓何以是白佛佛言有五種子  
根種子接種子節種子菓種子子種子若食

菓應作沙門法五種淨火淨刀淨鳥淨傷淨  
未成種淨若食根亦應作沙門法五種淨剥  
淨截淨破淨洗淨火淨若食莖葉應作沙門  
法三種淨刀淨火淨洗淨若作淨時應作搃  
淨於一聚一器中若淨一名為搃淨有一比  
丘欲然浴室中火破薪虵從木孔中出螿脚

即死諸比丘以是白佛佛言彼比丘不知八  
種虵名不慈心向又不說呪為虵所害八種  
虵者提樓賴吒虵怛車虵伊羅漫虵舍婆子  
虵甘摩羅阿濕波羅呵虵毗樓羅阿义虵瞿  
曇虵難陀跋難陀虵呪虵者

我慈諸龍王

天上及世間

以我此慈心

得滅諸恚毒

我以智慧取

用之殺此毒

味毒無味毒

破滅入地去

佛言若彼比丘以此呪自護者不為毒虵之  
所傷殺復有比丘被虵所螫諸比丘白佛佛  
言汝以此呪呪彼今得安隱受教往呪彼即  
得差復有諸比丘處處為虵所螫以是白佛



佛言聽作呪術隨宜治之時諸比丘食多美  
食以增諸病耆域晨朝往至佛所頭面禮足  
白佛言世尊今諸比丘食多美食以增諸病  
願聽浴室中浴除其此患佛以是事集比丘  
僧以耆域語告諸比丘從今聽諸比丘作浴  
室為除病故於中浴有諸比丘裸形浴更相  
揩摩又裸形出浴處諸白衣譏呵言此諸沙  
門皆如尼犍無有風法諸比丘以是白佛佛  
以是事集比丘僧呵責已告諸比丘從今聽  
著浴衣不聽裸形浴裸形相揩一一皆突吉  
羅有諸比丘浴時出外以背揩壁樹木還入  
水灌傷破其身佛言不應尔聽用蒲桃皮摩

樓皮澡豆等諸去垢物諸比丘隨知識與澡  
豆等佛言應等與佛在舍衛城介時跋難陀  
反披拘攝於闇中作四脚行怖諸比丘諸比  
丘以是白佛佛言不應介若反披拘攝作四  
脚行皆突吉羅諸比丘於房內患熱欲反披  
拘攝佛言房內聽有諸比丘眠時無枕佛言  
聽作枕有諸比丘患虱佛言聽捨去諸比丘  
拾著房內還入衣中佛言聽捨著房外諸比  
丘雨時拾著水中佛言應捨著弊物中慈心  
舉之有諸比丘患蚤佛言聽敷物著地掃去  
若在薦席中聽日曝去有諸比丘患壁虱佛  
言聽除却密泥有諸老病比丘患寒欲於房

內然火佛言寒時聽然諸比丘然火燒壞地  
敷勳屋佛言聽作火鑪在屋外然烟盡持入  
諸比丘不知以何物作佛言聽用銅鐵泥石  
作之聽僧四方僧私畜又聽因地作火鑪諸  
比丘過中用鉢飲佛言過中不應用鉢飲聽  
別作飲器用銅鐵瓦有一比丘於德义尸羅  
國夏安居竟到舍衛祇洹至佛所頭面禮足  
白佛言如此國歠粥彼國飲麩漿願聽諸比丘  
晨朝飲麩漿佛言聽飲諸比丘飲時須鹽佛  
言聽畜鹽聽僧四方僧私畜聽作抄鹽物諸  
比丘便作衆生形或作人手持抄鹽佛言不  
聽作此諸形時諸白衣以槃器奠食與諸比

聽作此諸形時諸白衣以槃器奠食與諸比丘諸比丘不敢受便譏呵言沙門釋子不堪受供養以是白佛佛言聽受有諸比丘於鉢中歠粥苦熱不可捉佛言聽別作歠粥器諸比丘擎食患重佛言聽安机諸比丘便作種種形脚机佛言不聽作諸比丘至白衣舍白衣以種種形脚机下食諸比丘不敢食佛言白衣家聽受但不聽自畜諸比丘須捷瓷佛言聽畜用銅鐵瓦石作有諸白衣持粥與諸比丘諸比丘不知著何處分之佛言聽作盆并安環耳行粥時應問別有病人粥不若無應先與病人時毗舍佉母欲令衆僧於任處煮粥佛言聽諸比丘不知著米處佛言應著

廢席上米中有穀不知去何佛言聽畜曰杵  
令淨人伐之不知以何物簸米佛言聽畜簸  
箕諸比丘須釜佛言聽畜用銅鐵瓦石作諸  
比丘須杓佛言亦聽作除漆樹餘木皆聽用  
有病比丘欲得美粥佛言聽淨人爲作若無  
淨人聽比丘淨洗燒噐著水令淨人泔豆米  
著中比丘然後然火粥熟更從淨人受持與  
病人諸比丘米多無著處佛言聽細泥一房  
淨掃地以安之米盡諸比丘往聞米臭佛言  
聽香泥泥地

佛在拘薩羅國遊行人間與大比丘千二百  
五十人俱到都夷婆羅門聚落在道側娑羅

樹下敷座坐息佛便微笑阿難作是念諸佛  
不以無緣而笑今佛微笑必有因緣即偏露  
右肩胡跪問佛佛言阿難過去世時有王名  
禁寐有一女生時自然著金華鬘即集諸臣  
議爲作字皆言應問相師婆羅門即勅相師  
皆集令爲作字相師言此女生著自然金華  
鬘應字爲摩梨尼即用字之王甚愛重訪問  
國中與同日生女取給左右時國內有五百  
女人與同日生皆錄其名以充駟使年旣長  
大王所供養五百婆羅門勅令供養告言汝  
當如我日作五百金羹隨彼所好而供養之  
女即如勅供養諸婆羅門令竟輒與五百女

人乘四馬車遊戲園觀從園至園從觀至觀  
日日常介時迦葉佛於一園中住御者至佛  
住園輒迴車不入女問御者我於國界無園  
不入汝何故常避此園荅言此中有一禿頭  
沙門名曰迦葉不宜見之是故不入女言沙  
門迦葉何豫人事便可迴車入此園觀即迴  
車入盡通車處步進園中遙見迦葉佛容顏  
殊特猶若金山見已發歡喜心前至佛所頭  
面禮足却住一面佛為說種種妙法示教利  
喜乃至見法得果已受三歸五戒從坐起禮  
佛足右遶而去去不久作是念我常以五百  
金羹日再供養五百婆羅門此非福田不應

受施寧可更作極美飲食供養迦葉世尊念  
已勅作日送供養時諸婆羅門聞摩梨尼已  
作迦葉佛弟子更以上饌供養迦葉生嫉妬  
心作是議我等當作方便共殺此女於時禁  
寐王夜得十一種夢夢見樹長四指便生華  
夢見華即成菓夢見犢子耕大牛住視夢見  
三釜竝煮飯而兩邊釜飯各跳相入不墮中  
央夢見駱駝兩頭食草夢見馬母反飲駒乳  
夢見金鉢於空中行夢見野狐尿金鉢中夢  
見獼猴坐金床上夢見賣牛頭旃檀猶如腐  
草夢見水中央濁四邊清淨且集諸群臣廣  
說上夢而訪問之為是何夢衆臣言應問相



師婆羅門即召問之諸婆羅門作是念我等志殺此女今得之矣便語王言此夢不吉或當失國或以命終王又問頗有方便免斯灾乎荅言有而是王所愛念必不能用王言但說相師言王某甲象某甲馬某甲大臣某甲大婆羅門將五百特牛五百水牛五百特犢五百特犢五百殺羊五百捷羊王女摩梨尼及其五百眷屬却後七日於四衢道中殺以祠天此灾可滅若不作是禍不可免王聞信之即勅令辦便呼其女具以事語聽六日內隨意所願女白王言甚不惜死願第一日與城中人民男女大小到迦葉佛所王即聽之

於是悉召城內前後圍遶往到迦葉佛所佛爲  
說種種妙法示教利喜乃至見法得果受三歸  
五戒願第二日與王衆臣共往佛所願第三  
日與諸王子共往佛所願第四日與諸王女  
共往佛所願第五日與王夫人嫫女共往佛  
所願第六日與王共往佛所王悉聽之皆見  
法得果受三歸五戒亦如上說王得果已以  
十一種夢問迦葉佛此夢有何報應佛言此  
十一夢乃爲當來不爲今也夢見小樹生華  
者於當來世有佛出於百歲人中名釋迦牟  
尼如來應供等正覺尔時人年三十便已頭  
白夢見華即成果者尔時二十歲人便已生兒

夢見犢子耕大牛在視者。尛時人兒領家事。  
父母不得自在。夢見三釜竝煮飯。兩邊釜飯。  
各跳相入。不墮中央釜者。尛時富者更相惠。  
施而貧者不得。夢見駱駝兩頭食草者。尛時。  
王有群臣。旣食王祿。復取民物。夢見馬母反。  
飲駒乳者。尛時母嫁女已反。從求食。夢見金。  
鉢於虛空中行者。尛時雨不時節。亦不周普。  
夢見野狐屎金鉢中者。尛時人民唯富。是婚。  
不擇本姓。夢見獼猴坐金床上者。尛時國王。  
用非法治政。暴虐無道。夢見牛頭旃檀賣與。  
腐草同價者。尛時釋種沙門貪利養。故與白。  
衣說法。夢見水中央濁四邊清者。尛時佛法。

中國先滅邊國反盛佛言王十一夢所為如此  
於大王身無有不祥王即於座上勅諸羣臣  
所欲祠天之牲今悉施以無畏吾從今寧自  
失命不故殺生況殺人乎不故傷虫蟻況女  
及諸人等乎佛告阿難彼迦葉佛般泥洹後  
其王為佛起金銀塔縱廣半由旬高一由旬  
累金銀塹一一相間今猶在地中佛即出塔  
示諸四眾迦葉佛全身舍利儼然如本佛因  
此事取一搏泥而說偈言

雖得閻浮檀 百千金寶利 不如一搏泥  
為佛起塔廟

示已還復故處佛便以四搏泥泥塔沒處千

二百五十比丘亦各上泥四搏於是諸比丘  
欲於所泥處爲迦葉佛起塔佛言聽起即便  
共起是時於閻浮提地上最初起塔其後諸  
比丘欲爲阿羅漢諸聲聞辟支佛起塔佛言  
聽有四種人應起塔如來聖弟子辟支佛轉  
輪聖王諸比丘欲作露塔屋塔無壁塔欲於  
內作龕像於外作欄楯欲作承露槃欲於塔  
前作銅鐵石木柱上作象師子種種獸形欲  
於塔左右種種樹白佛佛皆聽之時諸外道亦  
自作塔種種供養衆人見起信樂心諸比丘  
作是念佛若聽我等種種供養塔者衆人亦  
當起信樂心佛亦聽之諸比丘便自歌儺以

供養塔諸白衣譏呵言白衣歌儻沙門釋子  
亦復如是與我何異諸比丘以是白佛佛言  
比丘不應自歌儻供養塔聽使人爲之聽比  
丘自讚歎佛華香幡蓋供養於塔諸比丘乞  
食時得葉不敢受諸白衣譏呵言沙門釋子  
不堪受供養又不欲供養塔諸比丘以是白  
佛佛言聽受不知者何處佛言聽作三種囊  
華囊食囊漉水囊有諸比丘自行採華從一  
聚落至一聚落出聚落外爲賊所剝諸白衣  
譏呵言此諸沙門正似結華鬘師若華鬘弟  
子佛言不聽出聚落外採華諸比丘以繩連  
華供養白衣所呵亦如上說佛言不應以繩連

但散用供養若有萎葉其外青者皆聽擿去  
手三揆莖華自開好佛在舍衛城尔時諸比  
丘養爪令長生染著心不樂修梵行遂有反  
俗作外道者諸白衣譏呵此諸沙門如受欲  
人修飾手爪無厭離心有一比丘長爪入聚  
落乞食一女人見呼共行欲比丘言我出家  
人不作此事女人言若不從我我當與汝作  
惡名聲便以爪自齧破傷衣肉大喚言比丘  
強牽挽我我不從之輒便齧我破衣傷肉衆  
人來看有信有不信信者言此比丘爪長必  
作此事不信者言此女人由來不良謗比丘  
耳皆共譏呵云何比丘畜此長爪諸比丘以

是白佛佛言不聽養爪令長犯者突吉羅聽  
畜截爪刀一頭作挑耳物有諸比丘染爪令  
赤諸白衣譏呵諸比丘以是白佛佛言不應  
尔犯者突吉羅時諸比丘爲飾好故作衣佛  
言不聽爲飾好故作衣犯者突吉羅有一比  
丘守僧房送食比丘來遲緣樹望之墮樹折  
脇佛言不聽上樹犯者突吉羅有諸比丘小  
小因緣湏上樹佛言聽上不得上過人處有  
諸比丘欲於高樹頭取枯枝爲薪佛言聽緣  
梯取不得緣樹復有諸比丘遇水火惡獸賊  
難欲上樹不敢遂爲所困佛言如此諸難聽  
任意上有二比丘共道行無澆水囊渴欲飲



水見中有垂一比丘飲一比丘不飲而死飲  
水比丘往至佛所以事白佛佛言彼比丘有  
慙愧心乃能守戒而死從今不聽無漉水囊  
行犯者突吉羅有諸比丘欲近處行無漉水  
囊便不敢去佛言聽於半由旬內無漉水囊  
行復有二比丘共道行一比丘有漉水囊一  
比丘無不相借極渴之以是白佛佛言我先  
不制無漉水囊行不得過半由旬耶若自無  
漉水囊有衣角可漉水者聽欲行時心念用  
以漉水亦聽畜漉水筒諸比丘便用金銀寶  
作佛言不應尔聽用銅鐵竹木瓦石作之以  
十種家施衣細者漫口不聽用糞掃衣犯者

突吉羅時舍利弗患風有一呵梨勒菓著床脚  
邊瞿伽離來以是上座駢舍利弗舍利弗即  
避之忘呵梨勒瞿伽離見語諸比丘世尊讚  
歎舍利弗少欲知足而今藏積我等所無舍  
利弗聞作是念我今云何以此小事墮譏嫌  
中便取棄之諸比丘語言大德風患所須勿  
棄此藥可還取之荅言以此小物乃使同梵  
行人致此嫌恠我已棄之終不復取諸比丘  
以是白佛佛言舍利弗不但今棄此藥不肯  
復取過去世時亦曾如是乃往過去有一黑  
虵螫一犢子還入穴中有一呪師以牯羊呪  
呪令出穴不能令出呪師便於犢子前然火

呪之化成火蜂入虵穴中燒螯黑虵不堪  
痛然後出穴犛羊以角抄著呪師前呪師語  
言汝還舐毒不尔投此火中黑虵即說偈言  
我旣吐此毒 終不還收之 若有死事至  
畢命不復迴

於是遂不收毒自投火中佛言尔時黑虵者  
舍利弗是昔受如此死苦猶不收毒況今更  
取所棄之藥從今聽諸比丘畜藥六群比丘  
便多積聚藥諸白衣譏呵言此諸沙門爲欲  
作醫爲欲販賣自言少欲知足而無厭足諸  
比丘以是白佛佛言不應多畜藥聽畜種種  
雜藥各一阿陀羅若有長病聽隨宜更畜有

諸比丘無刀用竹盧片割衣衣壞佛言聽畜  
割截物刀諸比丘便作大刀賊來得以害比  
丘佛言不聽作大刀犯者突吉羅聽長一指  
一邊作刃以木作柄除漆樹諸比丘得針不  
敢受佛言聽受畜之諸比丘便多畜佛言不  
應多畜聽畜三針餘者淨施時毗舍離阿菟  
耶住處下濕多蚊虻蒸熱諸比丘患之佛言  
聽畜扇拂諸比丘用馬尾作拂殺垂佛言不  
聽用馬尾作拂犯者突吉羅有諸比丘以鉢  
盛食著地翻之佛言聽作鉢支用銅鐵牙角  
瓦石竹木除漆樹乃至結草著下亦聽有諸  
比丘鉢勲剥脫佛言應更勲諸比丘與作人

食不量多少雖多猶瞋佛言聽畜汁斛并合  
僧四方僧及私亦聽畜亦應有一儲備諸比  
丘雇作人蘇油蜜石蜜不秤與雖多猶瞋佛  
言聽畜秤亦如上時諸比丘學書諸白衣譏  
呵言沙門釋子何不勤讀誦用學書為諸比  
丘以是白佛佛言不聽學書後諸比丘差會  
次不知書記隨忘佛言聽學書但不聽為好  
廢業諸比丘欲學呪呪蜂虵等諸毒佛言聽  
學諸比丘畜田宅店肆諸白衣譏呵我等有  
妻子累故畜田宅店肆諸比丘亦復如是與  
我何異諸比丘以是白佛佛言皆不聽畜犯  
者突吉羅有諸白衣以田宅店肆布施僧諸

比丘不敢受便復譏呵言此諸比丘不堪受  
供養以是白佛佛言聽僧受使淨人知有諸  
比丘往問訊富蘭那迦葉末伽離等諸外道  
師佛言不應問訊犯者突吉羅諸比丘學種  
種卜諸白衣譏呵言沙門釋子不能自淨其  
見何能知未然事諸比丘以是白佛佛言不  
聽犯者突吉羅諸比丘學迷人呪佛言不聽  
犯者偷蘭遮諸比丘學起死人呪佛言不聽  
犯者偷蘭遮諸比丘問卜相師欲自知吉凶  
佛言不聽犯者突吉羅諸比丘讀誦外書諸  
白衣見譏呵言此沙門釋子不信樂梵行捨  
佛經戒讀誦外書諸比丘以是白佛佛言不

聽有諸比丘與外道論不知者耻念言佛聽  
我等讀誦外書者不致此耻佛言爲伏外道  
聽讀外書但不得隨書生見有諸比丘多畜  
小小銅塹諸白衣譏呵言此沙門釋子多畜  
此器與我何異諸比丘以是白佛佛言不聽  
多畜小小銅塹犯者突吉羅有婆羅門兄弟  
二人誦闡陀鞞陀書後於正法出家聞諸比  
丘誦經不正譏呵言諸大德久出家而不知  
男女語一語多語現在過去未來語長短音  
輕重音乃作如此誦誦佛經諸比丘聞者耻  
二比丘往至佛所具以白佛佛言聽隨國音  
誦但不得違失佛意不聽以佛語作外書語

犯者偷蘭遮有諸比丘不繫下衣入聚落墮  
地露形諸女人笑之著慙佛言不聽不繫下  
衣入聚落犯者突吉羅聽畜腰繩諸比丘作  
腰繩太長繞腰四五帀佛言不聽長極可二  
三帀諸比丘作腰繩太闊佛言聽廣極至四  
指狹不減一指諸比丘以雜色綫作佛言不  
聽聽隨用一色有諸比丘著輕衣入聚落風  
吹露形諸女人笑著耻佛言聽作衣細鈎鈎  
之應用銅鐵牙角竹木作鈎除漆樹乃至作  
帶帶之諸比丘一向著衣下易壞佛言聽顛  
倒著之上下皆安鈎細及帶有諸比丘誦呪  
時不敢鹽不眠床上稱言南無婆伽婆生疑



我將無墮異見受餘師法耶以是白佛佛言  
神呪法尔但莫墮其見尔時慈地比丘語盧  
夷力士子言阇婆比丘與汝婦通盧夷聞已  
即問阇婆汝實尔不阇婆不答盧夷便言阇  
婆犯欲著耻無辭答我諸比丘以是白佛佛  
言聽與盧夷力士子作覆鉢白二羯磨一切  
不得復入其家應一比丘唱言大德僧聽盧  
夷力士子虛謗阇婆姪通其婦僧今與作覆  
鉢羯磨一切不得往入其家若僧時到僧忍  
聽白如是大德僧聽盧夷力士子虛謗阇婆  
姪通其婦僧今與作覆鉢羯磨一切不得往  
入其家誰諸長老忍默然不忍者說僧已與

盧夷力士子作覆鉢羯磨竟僧忍默然故是  
事如是持若僧與作覆鉢羯磨一切四衆皆  
不得與來往語言有諸比丘與諸優婆塞小  
小諍訟便與作覆鉢羯磨佛言不應以小小事  
便與白衣作覆鉢羯磨若成就八法乃應作  
之若優婆塞於諸比丘前毀咎三寶及戒欲  
不利諸比丘與諸比丘作惡名聲欲奪比丘  
住處犯比丘尼是爲八阿難白衣時與盧夷  
親厚佛告阿難汝往盧夷所語言僧已與汝  
作覆鉢羯磨阿難受教往到其門守門人白  
阿難在外彼言令入阿難語言我今不得復  
入汝門盧夷聞之便疾出問汝忽何故不入

我門答言僧已與汝作覆鉢羯磨一切四衆  
不得來往共汝語言盧夷言若如汝語便是  
殺我悶絕倒地阿難言汝起往謝陁婆僧當  
與汝解覆鉢羯磨盧夷即從地起往到佛所  
頭面禮足白佛言我實不見陁婆與我婦通  
慈地語我信其語耳佛言汝可辭謝陁婆僧  
當與汝解覆鉢羯磨受教即往陁婆所頭面  
禮足手捉其脚白言我愚癡故信於人言誹  
謗大德願受我悔過陁婆比丘即爲受之盧  
夷既辭謝已還到佛所白言我已辭謝陁婆  
比丘竟佛告諸比丘聽僧白二羯磨爲解之  
盧夷爲士子應至僧中偏袒右肩脫革屣一

一禮僧足胡跪合掌作如是白大德僧聽我  
盧夷力士子虛謗陀婆與我婦通僧與我作  
覆鉢羯磨不聽一切四衆來往我家我已辭  
謝陀婆竟今正順僧從僧乞解覆鉢羯磨願  
僧慈悲故爲我解之如是三乞應一比丘唱  
言大德僧聽盧夷力士子虛謗陀婆姪通其  
婦僧與作覆鉢羯磨不聽一切四衆來往其  
語其已辭謝陀婆從僧乞解覆鉢羯磨僧今  
與解若僧時到僧忍聽白如是大德僧聽盧  
夷力士子虛謗陀婆乃至僧今與解誰諸長  
老忍默然不忍者說僧已與盧夷力士子解  
覆鉢羯磨竟僧忍默然故是事如是持有諸

優婆塞以小小瞋嫌比丘便不復敬信佛言  
 優婆塞不應以小小事不敬信比丘若比丘成  
 就八法然後不應敬信毀些三寶及戒欲不  
 利諸優婆塞與優婆塞作惡名聲欲奪優婆  
 塞住處以非法為正欺優婆塞是為八若優  
 婆塞瞋比丘比丘不應往其家若聚落皆真  
 比丘比丘不應住此聚落

五分律卷第二十六

和

歎

昌悅

埤

丁果

鑷

巨輒

挑

土彫

擿

他的

坯

元

反

擿標

二同

蛆

音哲与

倨

巨斤

虱

所節

蚤

早

音蒲木

奠

音殿

捷瓷

下在

杆

音于正

環

音還

斲

必个  
杓時約  
洮音桃  
秃他谷  
跳音條  
粘音二  
殺音古  
捷音古

劇反二同  
居言  
祠音詞  
虐反魚却  
牲音生  
搏音團  
龕反音苦  
龕音苦

楮反時尹  
萎反鳥為  
接禾奴  
抓反之巧  
掴反古陌  
反

牽挽下音晚  
舐反時只  
販反方万  
菟反奴侯  
儲音除  
不稱

下尺  
證反  
鑑烏侯  
壚恐作  
甌反甌  
細反女久  
訾音紫  
訾音紫



